

堅

瓠

集

堅瓠十集卷之三目錄

觸導屬對

金用元對

岳石帆

山東無好人

迎春歌

串月

登高詞

折葵榴榜

捲堂文

辭館歌

詩語曠達

鬼方記

殺風景詩

封孟勞制

檄霸王

黃司理判

姑嫂成婚判

分婉口號

盧延諶詩

悼詩

方池詩

嘲僧

慰童僕

焦芳像驢

林南澗詞

拽轎行

叶韻

遷神祠

丹成兩剖

詠葫蘆

僧姦判

吳歌

山歌第一

黃雀銀魚

函首求和

覺長老轉世

曉鴉啼

驅蝗

廁上扁對

大小蜈蚣

起復援例

房租判

麻糊

賈劉獻佞

譽檜

土地夫人

正好掉頭

嫁妾非偶

燭

抹布

木套

捷踢

紙鳶

傘

榨石

詠禿

從嫁婢

指甲

臉上黑痣

阿珍

懼內

重刻褚石農堅瓠集卷之三

甬上留香閣主人較刊

觸導屬對

萬曆中太監孫隆織造來蘇甚作威福儀  
衛嚴肅一日出行一生從小巷出誤觸前  
導執之以歸訊知生員無可如何令其屬  
對云手執夏扇身著冬衣不識春秋生卽  
對曰口食南祿心懷北闕少件東西隆因

不敢輕待遂成相知甚得其濟助

金用元對

蘇士金用元善戲謔詩歌俳語頃刻立就  
一日在文衡山齋中宴集語侵蒙師潘某  
潘愠謂曰吾有一語能對甘侮因曰王大  
夫昆季築墻一土蔽三人之體用元卽曰  
潘先生父子沐髮畚水灌兩牛之頭滿座  
大笑

# 岳石帆

萬曆中岳石帆元聲本姓樂欲附武穆改  
岳姓昆仲三人皆登兩榜其一密友戲云  
汝視武穆應不享石帆驚問友曰金是武  
穆對頭石鐘名金聲由金而推之元諒亦  
武穆所不樂者也兄名元聲至於武穆一  
生心事只爲不肯和石梁却名和聲昆仲  
名字專與武穆作對安望其來享也石帆



亦不覺失笑時石帆石梁已登仕藉金聲  
遂收駿聲登萬曆庚戌進士

山東無好人

弘治間長洲縣丞魯聰以事忤御史意被  
笞御史怒猶未息問曰汝何處人聰曰山  
東人御史曰可知愚騃如此山東何曾有  
好人聰應聲曰山東信無好人只有一孔  
夫子耳聞者絕倒

迎春歌

吳郡迎春士女競看土牛袁中郎迎春歌  
東風吹暖蜚江樹三衢九陌凝烟霧白馬  
如龍破雪飛獵車碾冰岑香度鏡吹拍拍  
走烟塵炫服靚粧十萬人羅額鮮明粉綵  
勝社歌繚繞簇芒神緋衣金帶印如斗前  
列長官後太守烏紗新縷漢官花青奴晚  
進屠蘇酒採蓮舟上玉作幢歌童毛女白

雙雙梨園舊樂三干部蘇州新譜十三腔  
假面胡頭跳如虎窄衫繡袴搥大鼓金蛇  
纏身神鬼粧白衣台掌觀音舞觀者如山  
錦相屬雜查誰分絲與肉一絡香風吹笑  
聲千里紅紗遮醉玉青蓮衫子藕荷裳透  
額垂髻淡淡粧拾得春條誇姊妹袖來瓜  
子擲兒郎急管繁絃又一時千門楊柳被  
青枝獨有開門袁大令塵擁書床生紅絲

串月

吳中楞伽山八月十八夜看串月或云從  
寶帶橋外出數有七十二此橫說也或云  
封關外極饒溪港光影相接望如塔燈此  
豎說也然亦如阿閼佛國纔一現耳丙子  
秋徐元歎見之作詩云山亭露坐天如幕  
待月不出資諸詭輕風似欲掃浮雲將以  
所見證所聞纖微吞吐誠非易光影飛沉

無定位真月猶未現全身先見第三與第  
二一溪一月非無因於月不知誰踈親孤  
魄漸離烟霧窟衆空寫盡琉璃輪金光激  
射難可擬王塔倒懸聊近似塔顛一月獨  
分明千百化身從此止忽墮雲中不可呼  
餘光散入澹臺湖燭灰神醉廟門閉露冷  
林昏人盡去年年此夜幸相思月出未嘗  
離此處土人云二月十八夜亦見串月

登高詞

北墅緒言明末武林沈孚中曠特才縱酒  
不以功名介意日走馬蘇白兩堤值九月  
攜酒持螯獨上巾子峰頭高吟浮白有僧  
濡筆記其一聯云有情花笑無情客得意  
山看失意人爲之叫絕拉歸精舍痛飲達  
旦家人覓赴邑試扶醉人場則几席縱橫  
置足無地曠乃積墨廣視立身高級書登

高詞於壁其首闕云萬峰頂上險韵獨拈  
飴撐倣骨與秋鑒天泥誰是酒同僚面皮  
雖老儘生平受不起青山笑難道他辟英  
雄一紙賢書到做了禁登高三寸封條題  
畢而下有拍其肩狂叫者曰我得一佳士  
矣嵎視之乃縣令宋兆和也宋字禧公雲  
間名士謂嵎曰君異才如此我與君拈是  
題填散曲誌奇遇乎嵎曰善宋未成而嵎

脫稿擊節稱賞擢之冠軍薦之學使者補  
弟子員聲譽大起

折葵榴榜

王忘庵武偶以養病禁足限一月一放關  
時葵榴肆發蒲艾爭榮午日子姪輩結隊  
入閨恣其攀折戲作榜文以揭於閨曰歲  
惟辛亥節屆天中羣兒嘯聚乘臯比之無  
人小子猖狂恃雁行之有黨踰開突戶據



泉緣梯綺親肯以摘花百般莫狀藐子言  
而上樹一慟無端甚至剪伐我春芳蹂躪  
我秋色臨池剝蘼傷心漂杵之流滿地殘  
英觸日塗肝之痛而乃葵心如割露漉啼  
痕榴火不燃絲難續命太陽當午而晦二  
豎撫景以悲實命下猶于斯爲甚合先責  
夫保媼嗣當愬爾嚴師輕示蒲鞭重將艾  
炙須至榜者

捲堂文

蒙求子捲堂文云學以治生爲先不可無  
謀食之計師以淑人爲貴尤當嚴循道之  
防慨自世降而風微遂致道衰而日甚倚  
門糊口效彈鋏之馮驩寄食資身同垂釣  
之韓信一金雖甚薄俛首於濁富之門百  
里敢辭勞委身於不親之地視生徒猶骨  
肉遂棄子與拋妻以館舍爲福堂遽離鄉

而背井坐時動經累月不道歸遲去時未  
及半旬却嫌久滯無枷無鎖實爲自在之  
囚不啞不聾化作痴呆之漢東人事機渾  
未解遽稱爲聖爲賢書生文理但粗通也  
渠發魁發解毛錐將安用直須曲意徇人  
文章難療飢只得垂頭喪氣事非由我辜  
負雪月風花身屬他人受盡醎酸冷淡幽  
暗巖崖生鬼魅燈火未來時淒涼境界憶

家鄉書生歸去後濃霜染鬢韶華多向苦  
中過烈火燒心家事盡從忙裏辦行坐皆  
在人前分明是上賓模樣志氣落於人後  
畢竟是末等生涯總覓得一兩伍錢怎填  
補于瘡百空徒使斯文掃地豈知富貴在  
天幾番欲發憤辭歸當不得婉言留住館  
童落落似朝星半明半滅門弟悠悠似夏  
燕自去自來誰人效立雪楊游何處尋洛

沂童冠兩酒書窓聲浙瀝打破愁心風吹  
紙帳影翩翩驚回旅夢算功課論長說短  
欲訴無門討束脩指東話西要歸不得農  
工商賈莫非人奚必教書爲業城市鄉村  
皆有利何須處館營生從今奮翼定令飛  
過愁山及早回頭還好脫離苦海且去乘  
龍朝帝闕莫教驂馬傍人門勉作捲堂之  
文永白爲師之戒

醉館歌

王支恪公醉館歌云月落更殘漏聲續心  
事經心眠不熟仰月望天天未明側耳聽  
雞雞正宿新愁舊恨不可禁起剔銀燈訴  
衷曲少年胸襟天地寬一心痴想超凡俗  
百工技藝不肯爲萬卷詩書勤苦讀讀書  
望登天子堂誰知讀書成勞碌連年流落  
在江湖江湖生意多蕭索一生去住由主

人三食遲早由奴僕放狂又恐玷儒風已  
把身心頻檢束悄然孤枕夢魂多冷落誓  
齋形影獨儼如有罪人坐在無罪獄利覓  
蠅頭且莫言弟子愚頑難教育教育規矩  
嚴護短不容加鞭朴教育無功程又責老  
生才不足此情此情訴向誰長歎一聲自  
藏著我思家有數畝田勤耕可以供飢粥  
我思家有數枝桑養蠶足以供衣服有池

可養化龍魚有地可栽棲鳳竹庭前數莖  
瀛溪草雨中葉茂齊腰綠牆東一枝林逋  
梅雪裡開花香馥郁夏有六郎蓮秋有淵  
明菊還有一斗破書房更餘兩間小茆屋  
堂上雙親壽可祝室中有妻顏如玉愁中  
酒一壺閒來碁一局坐臥得自由進退無  
拘束恣意風情縱心欲不啻天勸與地覆  
散誕散誕過一生何必衣紫腰金食天祿



嗟吾功名心性酷未肯飄然退林麓丈夫  
有志事竟成頻頻莫把眉頭蹙天生我才  
終有用窮達何必吞聲哭蘇秦未受封先  
受妻嫂辱大舜未登庸深山伴麋鹿曾聞  
韓呂雉出入身爲僕又聞百里奚將身自  
秦鬻我有筆通天吾有書滿腹文章壓倒  
呂東萊詩名不下黃山谷子子獸中麟朗  
朗玉中璞海底神龍不久潛廐中良馬豈

長伏馮驩長餓不須彈郭隗三臺終見築  
興來飛翰寫長歌掃盡如天紙一幅我作  
長歌非逞才吐出胸中愁萬斛長歌賦罷  
膽氣豪可嘖重爲主人囑主人爲我囑叮  
嚀古來窮達如轉轂及第傳臚第一名天  
下英才始聒目

詩語曠達

西園雜記載一詩甚爲曠達惜不知誰作

坐對湖山酒一觴  
醒時歌飲醉時狂  
丹砂不是千年藥  
白日難消兩鬢霜  
身後碑銘空自好  
眼前傀儡爲誰忙  
得些好處且爲樂  
光景無多易散場  
又沈石田詩  
忙展枕  
逐雞栖碌碌梳頭雞  
又啼傀儡不曾知  
自假髑髏方始笑  
人迷昨朝清髮今朝雪  
滿眼黃金轉眼泥  
輸我一尊酬見在有詩  
還向醉時題二詩  
格調相同

# 鬼方記

錢塘李考叔 穎有續南華一書其鬼方記  
云高宗伐鬼方三年克之乃分其地爲郡  
縣陞鬼谷先生爲鬼方令先生捧檄喜其  
祖母鬼婆泣然流涕曰只恐你做官來吾  
做鬼先生以主命爲重勿顧也即日促裝  
兼程而進過羅刹鬼國入鬼門滿從者執  
鬼頭刀張鬼涼傘行旌所至鬼必擲之先

生初下鬼車宿鬼廟門吏開門齊聲喝鬼  
皂隸排衙蒲堂還見隨有鄉紳鬼仙鬼判  
進賀僂孟衣冠舉止皆鬼形見勢相貌皆  
鬼頭鬼腦抵掌而談句句鬼話所送賀禮  
幣帛皆冥衣金銀皆紙鏤一味搗鬼而已  
其舊主焦面鬼王與丞相藍面鬼不理政  
事終日鬼打諢至今大鬼上天小鬼落地  
鬼鬧鬼炒而王法不及也三日放告適有

二鬼爭環五鬼鬧判進狀狀上皆鬼名詞  
語只圖哄鬼先生准之食牌差鬼嘴二萬  
貫領牌捉鬼頃刻拿到一係追命鬼一係  
討債鬼鞠之皆鬼叫先生知原差之弄鬼  
也各加鬼責斷以鬼薪其縣僻處荒陬所  
居皆鬼巷所開皆鬼店所賣皆鬼食所做  
皆鬼市其俗不尚禮義喜則鬼嘯怒則鬼  
哭世情蠶薄是人鬼皆取綽號貧而無

堅瓠集

卷三

三

錢曰窮鬼壯而有力曰強鬼規模狹隘曰  
酸鬼局量褊淺曰餓鬼壯而無夫謂之鬼  
妻艾而無子謂之鬼老籌畫計議謂之鬼  
謀田地花分謂之鬼寄更有衣衫藍縷者  
謂之邈邈鬼作事遲鈍者謂之換索鬼餓  
狼形勢者謂之偷飯鬼貪盜弄盜者謂之  
活酒鬼搽脂抹粉者謂之妖燒鬼呆頭搭  
腦者謂之厄忒鬼恃財妄作之徒有錢使

得鬼推磨奸詐盜偽之人踢殺猯獠弄殺  
鬼從色名者五青面鬼黃胖鬼赤髮鬼黑  
心鬼白口鬼從體名者亦五大頭鬼撒髮  
鬼硬頸鬼被面鬼輕脚鬼又有不從正路  
之鬼過閑不務正事之鬼打牆不近正人  
之鬼打伴不爲正氣之鬼說合凡日用之  
物亦不釋放不明不暗之鬼火也作災作  
難之鬼箭也案上障面之鬼背也門上暗



鎖之鬼關也且四方之廣實繁有徒伎倆  
有限之山鬼也孤魂無主之野鬼也乘潮  
破浪之落水鬼也灰飛烟滅之殺火鬼也  
總無一處不出鬼無一日不見鬼先生與  
鬼爲隣終日點鬼簿而尸合縣之中鬼神  
撩亂四郊之內神鬼皆驚公堂之上見神  
見鬼私衙之中捏神捏鬼夫人親採井臼  
忙得蓬頭賽鬼先生焦心勞思憂得愁魔

病鬼城社難保時懷鬼胎乃北面稽首再  
拜曰臣力竭矣願爲厲鬼以殺賊賊聞退  
三舍先生恍然曰鬼神之爲德其盛矣乎  
吾未能事神焉能事鬼也卽日掛冠歸鬼  
谷將其事登之鬼錄適遭祖龍之欲化爲  
鬼火蘓東坡厥聞世事令人說鬼其門人  
劉打鬼言之鑿鑿衆鬼聞之柳榆不止也

殺風景詩

會稽天依寺有半月巖泉隱岩下雖月圓  
蒲池中只見其半最爲妙處有僧鑿開岩  
名蒲月殊可策揚升菴因題一絕云磨墨  
濃填蠅翅帖開半月岩爲蒲月富翁漆却  
斷紋琴老僧削圓方竹節唐人韋鵬翼亦  
有殺風景詩云豈肯閒尋竹徑行却嫌絃  
管好蛙聲自從煮鶴燒琴後背却青山卧  
月明亦有致

封孟勞漁陽伯制

李亮采燈擬將軍孟勞封漁陽伯制曰朕  
惟將軍身經百鍊氣壯千秋文士談鋒遜  
其利達書生筆陣未可等夷龍雀大環久  
著赫連之幕青犢漏影常隨文帝之事白  
鹿之象堪驚金馬之形足羨鳴鳳寵榮於  
漢武靈寶思滯於魏文秋水寒生落雁翎  
於碧浦平江楓振長鬣尾於黃沙入林甫

之容人驚其笑補張儀之舌客遁於言磨  
礪以須汝無議也圖窮而見爾何咎焉旣  
搏犀象於南山旋截鯨鯢於東海武城小  
試彰化理於烹鮮赤篲盛征肇雄圖於奮  
擊以備無患用戒不虞出樊噲之門豺狼  
共懼入庖丁之手虎豹不全卿材自利朕  
此宜優封將軍伯漁陽逐北追亡已遂從  
龍之志韜光歛銳尚期買犢之風欽哉

檄霸王

荆野倉載唐垂拱四年安撫大使狄仁傑  
檄告西楚霸王項君將校等略曰鴻名不  
可以謬假神器不可以力爭應天者膺樂  
推之名背時者非見幾之主自祖龍御宇  
橫墜諸侯任趙高以當軸棄蒙恬而齒劒  
沙丘作禍於前望夷覆滅於後七廟墜圯  
萬姓屠原鳥思靜於飛陳塵一作魚豈安於

堅瓠集

卷三

七

沸水赫矣皇漢受命玄穹膺赤帝之禎祥  
當素靈之缺運俯張地紐彰鳳舉之符仰  
緝天綱鬱龍興之兆而君潛遊澤國嘯聚  
水鄉矜扛鼎之雄逞拔山之力莫測天符  
之所會不知曆數之有歸遂奮閑中之翼  
竟垂垓下之翅蓋實由於人事焉有屬於  
天亡雖驅百萬之兵終棄八千之衆以爲  
殷鑒豈不惜哉固當匿魄東峯收魂北極

豈合虛承廟食廣費牲牢仁傑受命方隅  
循華攸寄今遭焚燎祠宇削平臺室使慈  
檄銷盡羽帳隨烟君宜速遷勿爲人患檄  
到如律令

黃司理判

奸徒王某扮尼募飯肆宜巨室事發司理  
黃圖判云王某三吳無賴奸宄異常倡白  
蓮以惑黔首祝青髮以溷朱顏教祖沙門



本是山遊和尚嬌藏金屋改爲入幕觀音  
抽玉笋合掌禪堂孰辨爲尼爲和尚脫金蓮  
展館繡榻誰知是女是男簪之勸入鳳巢  
誰禁閑雅之好耽遊龍窟豈無雲雨之私  
明月本無心照媚閨而寡居不寡清風原  
有意人朱戶而孤女不孤廢其書火其居  
方足以滅其跡剖其心剗其腹不足以盡  
其辜

姑嫂成婚

暇弋篇有劉璞者其妹已許裴九之子裴政矣璞所聘孫氏其弟潤亦已聘徐雅之女而璞以抱疴俗有冲喜之說父母擇吉完姻婦翁以婿方病潤以少俊乃飾爲女粧代姊過門將以爲旬日計草率成禮父母謂子病不當近色命其幼女伴嫂而二人竟私爲夫婦逾日子病漸瘳女家恐事

敗給以他故邀假女去事寂無知者因女  
有嫌父母窮問得之訟之官官乃使孫劉  
爲配而以孫所聘徐氏償裴具判牒云弟  
代姊嫁姑伴嫂眠愛女愛子情在理中一  
雌一雄變出意外移乾柴近烈火無惟其  
然以美玉配明珠適獲其偶孫氏子因姊  
而得婦棲處子不用踰牆劉氏女因嫂而  
得夫懷吉士初非銜玉相悅爲婚禮以義

起所厚者薄事可權宜使徐推別婿裴九  
之兒許裴政改娶孫郎之配奪人婦人亦  
奪其婦兩家恩怨總息風波獨樂樂不若  
與人樂三對夫妻各諧魚水人雖兌換十  
六兩原只一斤親是交門五百年必非錯  
配以愛及愛伊父母自作冰人非親是親  
我官長權爲月老已經明斷各赴良期命  
黃堂輿從送歸私第

分娩口號

狂言別集袁中郎分娩口號云嫂姑成行  
言笑喜忽然撫腹疼不已起身忙步端幃  
中頻眉欵擺勝西子丈夫見說喜且驚奔  
走了環若流水阿翁不好進房門堂前往  
來私相語因一作去聲地一聲見天日娘身  
欲死千萬楚阿姑一心要孫子先扯穩婆  
問男女

盧延讓詩

北夢瑣言盧延讓業詩二十舉方登第卷  
中有狐衝官道過狗觸石門開之句租庸  
使張洎親見此事甚稱賞之又有餓猫臨  
鼠穴嚙犬舐魚砧句爲中書令成汭所賞  
又有栗爆燒瓊破猫跳觸鼎翻爲蜀王建  
所賞有人曰平生投謁公卿不意得力於  
猫鼠狗子也人聞而笑之

悼詩

謝方石鐸口吃自爲詩目心自分明口不  
明向人堪笑亦堪驚可應黑白令難辨大  
遺模糊過此生於甲寅歲失詩一冊追念  
不已因成一律肱篋分明奈爾何崔聲一  
一已無多朱絃自愛齊門瑟自雪誰酬郢  
上歌好事定應供覆缶苦心誰復念填波  
也知不是豐城劍敢望神明有護呵

方池詩

錢昭度詠方池云東道主人心匠巧鑿開  
方石貯連漪夜深若被寒星映恰似仙翁  
一局碁人嘲之曰正所謂一局黑全輸也

嘲僧

蘇子山見白足婦洗衣作詩嘲佛印云玉  
箸插銀河紅裙蘸碧波再行三五步浸入  
老僧窠○有僧誦經至無眼耳鼻舌身意



黃紫芝曰焉用誦此僧禿其頭而無眼耳  
鼻舌更成何物僧亦不覺大笑

慰童僕

韋莊窮困時賴內外童僕之用作詩慰之  
有曰努力且爲田舍客他年爲爾覓金魚  
又曰他年待我門如市報爾千金與萬金  
其言雖俚其事難期而其情則可悲後唐  
亡入蜀爲平章不知能報此奴僕否

焦芳像驢

焦閣老芳面黑而長如驢嘗謂李西涯曰  
君善相煩一看李久之乃曰左相像馬尚  
書右相像盧侍郎必至此地位時河南有  
偷驢賊之號馬與盧合乃一驢字始知其  
戲一日西涯與焦芳及禮書新淦傅瀚早  
朝見校尉有露臥者焦戲傅云曉目斜穿  
校尉頭與二集焦芳戲語畧同時有汪西校尉之

號故也傳不能答李頤指焦耳傳遠悟云  
秋風正貫先生耳俗有秋風貫驢耳之說

林南澗詞

林粹夫廷玉醉中戲作清江引慨世曰世  
上人心真箇反牽鬼街頭賣哄了白尙書  
瞞過陳員外漢鍾離看見通不保 沒嘴  
葫蘆就地滾好反休相問花粧扮戲棚紙  
做盛錢圍陳搏華山閒打盹 春花正紅

春酒美多少蟠桃會休做看財奴枉著金  
銀累死到黃泉纔是悔勝水名山和我  
好每日相頑笑人情上花花世事襄陽砲  
霎詩間虛飄飄多過了

### 拽轎行

陝西車御史梁按部某州見一拽轎小童  
欲私之至州命易門子吏目以無應車曰  
卽途中拽轎小童亦可吏目又以小童乃

遞運所夫有驛丞喻其意進言曰小童曾  
供役上官乃易之強景明晟戲作拽轎行  
云拽轎拽轎彼狡童兮大人要末句云可  
惜吏目却不知好箇驛丞到知道

叶韻

潮海拽奇謝兵馬之妻爲墻壓死楊天錫  
往弔謝泣曰寒荆有孕今死不成屍奈何  
楊曰此所謂雖不成屍詩壓孕叶韻而已

遷神祠

湯藿林賓尹祖墓右有神祠堪輿家必欲  
遷於左藿林另建一廟極其巍煥擇吉奉  
牲醴以告方下拜油燈墮其身公服淋漓  
從者驚愕藿林急卸下覆於神首厲聲曰  
今日油得我由不得你了令人昇之新廟  
折去舊祠

丹成雨剖

有術士見唐六如極言修煉之妙唐曰如此妙術何不自爲之答曰恨我福淺見君仙風道骨故敢請爾唐曰我但出仙福有空房在城北僻處君試居之煉成兩剖術上不悟出扇求書唐題云破布巾衫破布裙逢人使說會燒銀君何不自燒些用担水河頭賣與人

詠葫蘆

錢塘釋明本號中舉博學而好滑稽嘗詠  
葫蘆云秀結團圞帶晚秋偏從根本易綢  
繆墻頭彷彿懸明月架上依稀綴碧旒明  
引神仙三島飯穩乘羅漢五湖遊將來剖  
破成雙器半贈顏回半許由

僧姦判

關西有伍氏名愛卿爲隣僧圓茂所姦里  
人知其狀捕而白於官時張欽爲令審得



其情因判之云僧圓茂旣已脫障入空門  
只合木魚敲夜月伍愛卿本欲孀居標苦  
節緣何錦帳作朝雲紅粉多嬌謾學墻花  
委砌細衣禿子竟同野蝶尋香一節不終  
浪謂空卽是色五除未戒誰云色卽是空  
愛卿著另配良人姦僧宜追牒問罪庶幾  
氏作閨中婦水諧琴瑟之歡免得僧敲月  
下門長墮輪迴之苦

吳歌

吳歌惟蘇州爲佳往往得詩人之體如月  
子彎彎之歌瞿宗吉採以爲詞葉文莊載  
之水東日記他如送郎八月到楊州長夜  
孤眠在畫樓女子折開不成好秋心合着  
却成愁此賤體也而黃山谷之詞先有之  
你共人女邊着子爭知我門裏挑心又約  
郎約到月上時看看等到月蹉西不知奴

處由低月出早還是郎處山高月下遲此  
詞雖屬淫奔然怨而不怒愈於鄭風狂章  
之訓又你在東時我在西你無男子我無  
妻我無妻時猶閒可你無男子好孤悽此  
賦體也又樹頭掛網枉求蝦泥裏無金空  
撥沙刺潦樹邊栽狗橈幾時開得牡丹花  
此比體也有守一而終之意

山歌第一

吳中鄉村唱山歌大率多道男女情致而  
已惟一歌云南山腳下一缸油姑嫂兩個  
賭梳頭姑娘梳做盤龍髻嫂梳做羊蘭  
頭不知何意朱廷評樹之以問陸式齋陸  
思之云得非言人之所業本同厥初惟其  
心之趨向稍異則其成就遂大不同此歌  
作如是觀可乎樹之云君之穎悟過我矣  
作如是觀此山歌第一曲也

黃雀銀魚

雲南巡撫傅習於少保桂萼爲同鄉傳在  
滇時以金石二罐通於桂標題云黃雀銀  
魚桂受而語僕曰語爾主此處來不得南  
京去罷踰月遂擢南京大理寺卿行至鎮  
遠而亡士有紀以一絕云黃雀銀魚各一  
罌長安陌上肆公行若教冢宰持公道安  
得南京大理卿

函首求和

開禧間韓侂胄以用兵起釁中外憂患史  
彌遠定計擁至王津園側擊殺之命臨安  
府函其首詣金求和建陽劉淮爲詩云寶  
蓮山下韓王府鬱鬱沉沉深幾許主人飛  
頭去和敵綠戶雕窓鎖風雨九世卿家一  
朝覆太師宜誅魏公辱後車不悟有前車  
兀突眼中觀此屋高九萬詩云拂曉官家

三  
簿錄時未曾吹徹玉參差傍人不忍聽鸛  
鷀猶向金籠喚太師

覺長老轉世

史丞相浩與覺長老善一日浩坐廳上儼  
然見覺突入堂中使人往寺廉之則報覺  
死矣茶頃浩後院弄璋浩默然知爲覺也  
遂以覺爲小名及長名之曰彌遠後相兩  
朝三十六年權震海內時有作詩規之者

日前身元是覺闍黎業障紛華總不迷到  
此更須睜隻眼好將慧力運金鉤

曉鴉啼

江彥章在翰苑屢致言者作點絳脣詞云  
永夜厭厭盡簾低月山銜斗起來搔首梅  
影橫窓瘦好個霜天閒却傳盃手君知  
否曉鴉啼後歸夢濃如酒或問日歸夢濃  
如酒何以在曉鴉啼後汪日無奈這一隊



畜生聒噪不已也

驅蝗

米元章令雍丘鄰縣蝗大起尉司禁壓後  
仍滋蔓責保正捕除或言盡緣雍丘驅逐  
過此尉移文載語牒行雍丘請勿以隣國  
爲壑元章視牒大笑題紙尾答云蝗蟲原  
是飛空物天遣來爲百姓災本縣若還驅  
得去貴司却請打回來傳者絕倒

廁上扁對

郡中某明勲臣之後門首有扁曰大叅戎  
第一日偶會飲客謂余曰子構求瑣言雜  
說曾見咄咄夫一夕話乎余曰慕之而未  
見客曰集中載廁事甚多如意廁賦語繁  
不復記其題園門對云古人欲惜金如此  
莊子曾云道在斯又虎子難伺器龍涎不  
及香又莫道輪迴輪五穀可儲筆札賦三

都又納垢含汗知大度仙風道骨驗方腸  
又爲文自昔稱三上作賦於中可十年又  
撫署圍門曰但願生民無殿屎不慙宰相  
受堂餐又官司不令多中飽燕飲應知無  
後艱皆貼切不可移易余曰既有對不可  
無扁客曰有尔問云何客曰大叅我第坐  
客無不撫掌主人亦不覺失笑

大小蜈蚣

吳履齋爲人豪雋在相位日其兄弟多以  
附麗登庸賈似道與隙遂爲飛語聞於上  
曰大蜈蚣小蜈蚣盡是人間業毒蟲實緣  
攀附百蟲叢若使飛天能食龍語聞謫循  
州中毒死

起復援例

淳祐間史嵩之入相以二親年耄慮有不  
測預爲起復之計時馬光祖未卒哭起爲

淮東總領許堪未終喪制起爲鎮江守臣  
里巷爲十七字謠曰光祖做總領許堪爲  
節制丞相要起復援例

### 房租判

寶祐間馬光祖尹臨安不畏貴戚豪強庭  
無留訟福王府訟民不輸賃房錢民云屋  
漏光祖判云晴則雞卵鴨卵雨則盆滿鉢  
滿福王若要房錢宜待光祖任滿

麻糊

賈似道當國時行公田關子兩法民間苦  
之葉太白李時爲太學生上書力詆似道  
怒嗾林德夫告葉泥金飾齋扁不法令獄  
吏鞠之云只要你做一個麻糊葉卽口占  
一詩曰如今便一似麻糊也是人間大丈  
夫筆裏無時那解有命中有處未應無百  
千萬世傳名節二十三年非故居寄語長

安朱紫客盡心好上帝王書遂遭黥流嶺  
南及似道敗放還

賈劉獻伎

賈餘慶劉岳相繼降元一日留遠亭夜集  
北人燃火亭前聚諸公列坐行酒餘慶有  
名風子滿口罵坐毀宋人物無遺以此獻  
伎北人惟嚙嚙笑岳數以淫褻奉北人專  
以爲笑具於舟中取一村婦至亭使薦劉

寢據劉交坐北人又嗾婦抱劉爲戲文文山不勝悲憤口占刺餘慶云甘心賣國罪滔天酒後猖狂詐作顛把酒逢迎酋長笑從頭罵坐數時賢刺岳云落得稱呼浪子劉尊前百媚佞旃裘當年鮑老不如此留遠亭前犬也羞

譽檜

建炎中高宗駕駐維揚康伯可與之上中



與十策名振一時後秦檜當國伯可乃附檜求進檜薦之擢爲臺郎檜生日伯可壽以喜遷鶯詞中有文章孔孟勲庸周召語極其獻譽伯可嘗與檜對局格天閣下檜戲曰此卒渡河是爾將軍之疥癩伯可徐曰今皇御極視公宰相如腹心檜大喜撤茶酣飲終日而罷伯可有順庵詞一卷中多譽檜語

# 土地夫人

正德中顧東橋璘知台州府有土地祠設  
夫人像顧曰土地豈有夫人命徹去之郡  
人告曰府前廟神缺夫人請移土地夫人  
配之顧令卜於神神許遂移夫人像入廟  
時爲語曰土地夫人嫁廟神廟神惟喜土  
神嘆明年郡人復曰夫人入配一年當有  
子復卜於神神又許之遂設太子像時又

語曰暮年入配今生子明歲更教令愛生  
顧旣撤夫人像又聽其入配塑子益見民  
之易惑而神不足信也

正好掉頭

紹興辛巳金遣使修好命洪景廬邁往報  
之與其伴使約用敵國禮沿路表章皆用  
在京舊式未幾乃盡却回使依近例景廬  
不可遂扁驛門絕供饋不得食者一日景

盧懼留乃易表章授之供饋乃如禮景盧  
素有風疾頭常掉時人爲之語曰一日之  
饑禁不得蘇武當年十九秋寄語天朝洪  
奉使好掉頭時不掉頭太學諸生衍作南  
鄉子詞曰洪邁被拘留稽首垂哀告彼曾  
一日忍饑猶不耐堪羞蘇武爭禁十九秋  
厥父旣無謀厥子安能解國憂萬里歸  
來誇舌辨村牛好擺頭時便擺頭

嫁妾非偶

荆渚田氏侍兒名國香黃山谷自南溪召  
爲吏部員外郎留荊州乞守當塗待報所  
居與此女爲隣山谷偶見之以爲幽閒殊  
美目所未觀後田某以嫁下里貧民山谷  
因賦水仙花寓意云淤泥解作白蓮藕糞  
壤能開黃玉花可惜國香天不管隨綠流  
落小民家

燭

支順集咏燭江兒水云一自交遊後其中  
愁火燃對天結個丹心願無多光景難留  
戀明心不昧有神靈驛白日青天不便要  
逞風流約定在黃昏夜半

抹布

抹布背灣兒云尊相把水呈濕淋淋過一  
生昔日華靡今休論喜泥濁同塵更相尋

無怕半生薄祿多餘壽以收成惜獲祿是  
卽此是終身

木套

木套黃鸞兒云足下屬陰形主刑壽是水  
星半生勞碌奔波命長弱肥願仙計光耀  
面生不無折挫須防慎待時臨太極動位  
方許得安寧

捷賜

徒踢黃鶯兒云只爲兩文錢做虛頭一線  
穿渾身裝裹些花毛片撇人在眼前賣俏  
在脚尖翻來覆去一似風前燕這身邊方  
纔着脚又到那身邊

紙鳶

孩兒意只爲功名半張紙臨行時愁得手  
中線費幾許只要去扯不住不愁你下第  
只愁你際風雲腸斷天涯何處



傘

徐文長傘謎云開如輪歛如槩剪紙調膠  
護新竹日中倚蓋影亭亭雨裏蕉芭聲簌  
簌晴天則陰陰則晴晴陰之說誠分明安  
得大柄居吾手去履東西南北之人行

榨石

生長山岡爲精練來到街坊被牽連縲紲  
難釋放他那裏淚汪汪空教我懸懸望

咏秃

元王和卿咏秃天淨紗詞云笠兒深掩過  
雙肩頭巾牢抹到眉邊款款的把笠簷兒  
試掀連荒道一句君子人不見頭面

從嫁婢

元關漢卿嘗見一從嫁媵婢作小令云髻  
鵲臉霞屈殺子將陪嫁規摹全似大人家  
不在紅娘下巧笑迎人文談同話真如解

語花若怕得他倒了蒲桃架

指甲

元人有咏指甲得勝令詞云宜將鬪草尋  
宜把花枝浸宜將繡線勻宜把金釵絰宜  
操七絃琴宜結兩同心宜托腮邊玉宜圈  
鞋土金難禁得一掐通身沁知音治相思  
十箇針

臉上黑痣

白仁甫有醉中天詞賦作人臉上黑痣云  
疑是楊妃在逃脫馬嵬火曾與明皇捧硯  
來美臉風流殺耐耐揮毫李白覷着嬌態  
酒松烟點破桃腮或云杜遵禮作

阿珍

睢陽滕玉霄賓工詞曲贈歌童阿珍瑞鶴  
鵲云分桃斷袖絕嫌猜翠被紅裙興不乖  
洛浦乍陽新燕爾巫山行雨左風懷手

携裘野便娟合背抱齊宮統髮偕玉樹庭  
前千載曲隔江唱罷月籠階阿珍蓋鄭櫻  
桃解紅兒之流也

嘲懼內

尤悔庵先生戲嘲懼內黃鸞兒曰何事犯  
娘行跪粧臺一炷香風流罪過難輕放笞  
之太强殺之過傷叅詳惟有官刑當好關  
防如何黑夜越獄上牙牀